



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 54. Exemptio Monachorum.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Artum, innumeris fabulis repletam, Sæcul. XII.  
 scripsit, & Prophetias Merlini vertit. A.C. 1175.

## §. LIV.

*Exemptio Monachorum.*

Cum Monachi Malmesburienses Abbatem elegissent, Episcopus Saresberienſis Diœceſanus, nomine Summi Pontificis, vetuit, ne a quoquam alio Episcopo extra Diœceſim Benedictionem Abbatialem accipere præſumeret. Nihilominus Abbas, clam in regionem Wal- lenſium profectus, ab Episcopo Landavano benedictus est. Quare, Episcopo Saresberienſi querelam ad Richardum Archiepiſcopum Cantuarienſem deferente, is Episcopum Landavanum & Abbatem ab Officio Sacerdotali ſuſpedit, donec facti ſui rationem reddiſſent. Poſtquam igitur Partes litigantes ad Judicium ſe contuliſſent, & producta fuiſſent privilegia, Archiepiſcopus nihil invenit, quod Abbatem a Jurisdictione Episcopi Saresberienſis eximeret, niſi aliquam exemptionis Bullam, falſitatis ſuſpectam, quod & Sigillum & Stilus a communi aliarum literarum forma abhorrerent. Auditis teſtibus & privilegiis inſpectis, Archiepiſcopus Partes ad transactionem & concordiam hortabatur, nec difficilem ſe præbebat Episcopus; ſed Abbas pacem repulit ac Archiepiſcopi



Sæcul. XII.  
A.C. 1175

sententiæ se submittere detrectavit, dicens se non alterius quam solius Pape iudicio stare debere, atque discedens & indignans adjecit; Abbates vecordes esse homines ac miserabiles, quibus animus deficeret, quo Episcoporum potestatem abolerent, cum, dato unius nummi aurei censu, Romæ plenam libertatem impetrare possent.

Petr. Bles.  
ep. 68.

Inde arrepta occasione Richardus Archiepiscopus data ad Alexandrum Papam epistola, nomine omnium Episcoporum de Exemptionibus conquestus est, in hunc modum: *Hoc malum, inquit, latissime grassatur. Abbates Primatibus & Episcopis rebelles insultant. Nemini imperium pati possunt, qui depravatos eorum mores castiget. Quidquid cupiunt, licere sibi volunt. Inde est, quod plurimorum monasteriorum bona diripiuntur. Abbates lautissime epulantur, quiete vivunt. Monachi, quasi Capite destituti, otiantur, & confabulantur; si enim dissputantium tumultum audires, Sancte Pater, profecto te nequaquam in virorum religiosorum claustrum sed ad forum publicum delatum fuisse existimares. Nisi promptum remedium huic pesti opponas, timendum, ne etiam Episcopi Archiepiscopis, Decani & Archidiaconi suis Praesulibus obedire recusent, sicque Ecclesiastica Hierarchia in totum destruat. Quil enim*



enim aliud agis, obsecro, cum Abbates <sup>Sæcul. XII.</sup>  
 a potestate Episcoporum eximis, quam <sup>A.C. 1175.</sup>  
 quod seditiosis vexillum præferas, &                       
 filiorum manibus gladios, quos in patres  
 suos stringant, inseras? An Papæ salva  
 Justitia cuiquam gratiam concedere pos-  
 sint, qua Episcopi jus lædunt, & quod  
 suum est, adimunt? Scio, Pontifices olim  
 hæc exemptiones concessisse, ut pacem mo-  
 nasteriorum conservarent, eaque ab Epi-  
 scoporum tyrannide liberarent. Attamen  
 contrarium, quam quod sperabatur e-  
 venit; nam monasteria, quibus, sive  
 Auctoritate Papali, sive, quod frequen-  
 tius fit, per Bullas obreptitias & adulte-  
 ratas, abominanda libertas obtigit, ex-  
 inde multo magis perturbata, & ad pau-  
 pertatem redacta sunt. Quare multæ  
 Congregationes, Sanctitatis fama cele-  
 berrimæ, vel nunquam exemptiones re-  
 ceperunt, vel paulopost abjecerunt re-  
 ceptas. Huc usque Archiepiscopus Can-  
 tuariensis, seu potius Petrus Blesensis,  
 ipsius nomine scribens. Ceterum Mona-  
 sterium Malmesburiense tunc certe exem-  
 tum non erat, cum in medio Sæculi se-  
 quentis necdum fuerit, quod ex Bulla  
 Innocentii IV. anno millesimo ducen-  
 tesimo quadragesimo octavo data cogno-  
 scimus (\*).

Monast.  
 Angl. tom. I.  
 p. 53.

Fff 4

§. LV.

(\*) Exemptionem contra fas omne affectabat  
 Abbas